

EN/01/Mar-Apr/2023

BELIEVERS EASTERN CHURCH

Office of the Metropolitan, Synod Secretariat, St. Thomas Community, Thiruvalla, Kerala, India.

Mera Mwrwknai ni Koktun

Mar/Apr 2023

Joto Archbishop tei Bishop, Ochai, tei Deacon father, Chonghor tei Sister of Compassion, tei joto Beleievers Eastern Church, hayung gwnangwi tongnairokno Pha, Sajla tei Phola Kwthar ni mung bai hamari tei Khakaham yapharhoro. Amen!

Khachukni Khristoni Takhuk tei Bukhuksong,

Pha, Sajla tei Phola Kwthar ni mung bai khairokma, maya tei Khakchangma nirok bai tong
thung . ✕

Jephuru chwng Jisu bai himlaio Kotor Lent wng kha kaisa belaino nangkhukma jora, Bini Kross saka thwimao, phokjakmao tei thangwi bachamao.

Hakhe tabuk chwng o bisi ni paithak bedekgo phai kheba, ' Kwthar hathi' o Lent chini jago , abo hwn khe O April tham (3rd) ni simi chngwi Easter Sunday 9th bai khe paio, Ang surio nwng phola ni langma bai khe phan manwi tei o Lent jora ni bebak okbukcha, tongwi surima, lama ni bisingtwi hamchajak wngwi kharuwi uansukma bai khe chongwi nono kitingwi tongnai borokrokni thanio Khristoni phunukmari wngwi tongnani.

Abo hakhe tabuk belai datino chwng Kwthar hathi o hablai phuru, Ang joto chini kwthar mothani kaham khe tongwi tongnairokno , kisa nangkhukma no khlausukna bagwi dagio.

Sa (One): Nini Local motha omono 'Kwthar hathi' bedek ni samung go kharwui uansukwi chongwi nanani snam di. Easter Sunday ni salo chwng Kwthar Panda (Subrai ni Panda)o gwdalma bai khe chini Subrai Jisu Khristo thangwi bachamano muitu khlaui tei khoroksa tei khoroksa no hai hwnwi salaiui tongthokma tei khatungma bai khe chini b,khao ' Khristo thangwi bachakha'hwnwi.

Nwi (Two): Khristo thangwi bachaui khatungmano buino sauimang tongna bagwi nini sak sakno yaphar di, abo chini bisingni hamyano hamrwo tei buibai baksa thephaphirw. Omo se Chonghor Pol ni message tei Puila mothani fatherrokni saklaima tei chwngno yapharwi klangmani, chwng tini nukgo Puila Korinth Chap. 15: 3-4, " Ang manmano norokno yapharwi rw kha, abo –no kok kotor kuk: Elembago swijak tongma hai'-

no Khristo chini sumsokni bagwi thwi kha; bo phobjak kha, hakhe Elembago swijak tongma hai'-no salthamni salo mwthagwi tisajak kha, omono Nwng salbrum no jora naitukgwı Surimani o khlaimano tei nini kami amchaio jeborok kulum, kwsa tei bamarrokno naikolwi mano; jeborok khao dukho nangjak, tei khathwijak, bigra tei nangwi tongnairokno twidulnani tei nwng khoroksa kokthaio tei samungo khairoknai tei mayagwnang borok wngwi tongnani.

Tham (Three) : Tongmungno nini nukhongo, nokarini eba khoroksaswk no samung khlaimani thai , je abo dukho kasto nangkhukmani bisingtwi nini langmao tei nangkhukmani surimungrogo , nwng bohrokno mothā o salsa phai di hwnwi ringwi mano, je thaio nini Ochai sak baithang suriui tei khatungma, tei kiphilwi manani no bohrokno chubanani. Tei nwng khoroksa kaham eba poito khrai tongnai ba nwng bo bohrok gwdalwi Kaitor kokrwmarokgo nini Ochai bai baksa poito tei khakwrak bai suri di.

Bṛwi (Four): Surimani o salbrum no jora no swkagwi nai di , hakhe Subrai teibo chini kwthar mothani aroni chwla sikla tei bwrwi siklirok no kwthar mothani tei chini kami amchairok ni bagwi Kaitor samung khlainani o sak yapharnani snam thung hwnwi. Chini Subrai Jisu Khristo chwngno kotor khe dagimung rwkha surinani chwng Mathew Chap. 9: 37-38 pori khe saimano,

Aboni bagwi no Bo Bini sagrirokno hai hwnwi sakha, “ Maikwbangma munui tong kha , yang ranai se bang ya.”

Kaisa Sak sak ni khauadi hakhe nwng nini chwrairok ni bagwi salbrum surinai hakhe bohrok Kaitor ni ringmano manai tei chongwi nanai Bini samungno khlainani se joton slai kotor muchungma manwi wngnai langmao.

Ba (Five): Tei paithakgo ani khajani Khristoni takhuk tei bukuksong, chini khatungmani yaphang hwn khe Khristo thwwi thangwi bachamani o se, abo chwngno langmani joton slai kwrak swngmung ni kokphil rwo, kaisa langmani simalwng eba phopkhor ni bara khatungma yapharma bai. Tamni bagwi hwn khe Bo kwthang tongo, hakhe chwngbo kwthang tongo Bo Sadhu. John 14: 19. O sama hai. “ Aboni bagwi no , salbrum no khatungma bai khe tong di tei nwng bebak dukho kosto bai khe thangwi tongmani jora o phano soi eba kaham uansukmung tongmung bai khe tong di, kuno dino phano ta lachidi nini poito no Subrai ni thangwi bachama o tong di. Nwng khoroksa Pholani ojoma wngwi , ang nwng bai baksa O himmungo tongo tei nini bagwi salbrum suriui tongo.

Chini Subrai Jisu Khristo thangwi bachamani khairokmao tei mayao chwng salbrum
brum no paiphlaiya pohoro kwthang tongnani o phan rwui tong thung. !

Kwthar Motha ni Samungo,
Your Father in Christ,

Athanasius Yohan I Metropolitan

*****+*****